

STRUC

dal Bant unic pe assegnazion

dai beneficis regjonâi a.a. 2020/2021

CALENDARI DES SCJADINCIS

Par domandâ i beneficis regjonâi pal dirit ai studis superiôrs si à di compilâ cheste domande in linie inte aree dai servizis dal sît www.ARDISS.fvg.it e inviâle **dentri des oris 13.00** (ore estive taliane/GMT+2/UTC+2/CEST) dal dì di scjadince segnât inte tabelle.

I tiermins di presentazion de domande in linie a son **perentoris, a pene di escluson**, duncje la compilazion in date seguitive e compuarte la escluson de domande.

Il sisteme electronic dai servizis in linie e certifiche la date e la ore precise de spedizion de domande.

	Benefici	Compilazion domande in linie	Publicazion de graduatorie provisorie (date indicative)
Lozaments sede di Triest	agns seguitîfs	ai 05 di Avost dal 2020	ai 24 di Avost dal 2020
	matriculis	ai 31 di Avost dal 2020	ai 18 di Setembar dal 2020
	Students cun dome il requisît di iscrizion	ai 22 di Otubar dal 2020	ai 16 di Novembar dal 2020
Lozaments sede di Udin	agns seguitîfs	ai 05 di Avost dal 2020	ai 24 di Avost dal 2020
	matriculis	ai 31 di Avost dal 2020	ai 18 di Setembar dal 2020
	Students cun dome il requisît di iscrizion	ai 14 di Setembar dal 2020	dai 14 di Otubar ai 16 di Otubar dal 2020
	borse di studi	ai i 05 di Otubar dal 2020	ai 31 di Otubar dal 2020
	Contribûts pai lozaments Sedis di Puart, Bolzan, Conean e Verone	ai 05 di Otubar dal 2020	ai 3 di Fevrâr dal 2021
	Contribûts pe mobilitât internazionâl	ai 6 di Avrîl dal 2021	ai 11 di Mai dal 2021
	Comunicazion dai dôts dal contrat a paiament	ai 19 di Otubar dal 2020	-
	Acès al servizi di ristorazion a tarife agjevolade	ai 30 di Jugn dal 2021	-

• **Beneficis a concors (art. 1)**

La ARDiSS e met a concors chescj beneficis:

- Borsis di studi;
- Lozaments;
- Contribûts pai lozaments - sedis di Puart, Bolzan, Conean e Verone;
- Contribûts pe mobilitât internazionâl.

• **Destinataris dai beneficis (art. 2)**

A son destinataris dai beneficis:

– i students des Universitâts dai Studis di Triest e de Universitât dal Friûl iscrits pal a.a. 2020/2021 a cors di:

- lauree trienâl,
- lauree magjistrâl,
- lauree magjistrâl a cicli unic,
- specializazion, fûr che chei de aree mediche ativâts daûr de normative in vore in materie,
- dottorât di ricercje, che no gjoldin de borse di studi daûr dal DM dai 30 di Avrîl dal 1999, n. 224;

– i students dai Conservatoris di Musiche “G. Tartini” di Triest e “J. Tomadini” di Udin iscrits pal a.a. 2020/2021 a:

- cors dal Trieni superiôr di I nivel,
- cors dal Bieni specialistic di II nivel;

– i students de Academie di Bielis Arts “G. B. Tiepolo” di Udin iscrits pal a.a. 2020/2021 al diplome academic di prin nivel in dissen grafic pe imprese;

– i students che a son daûr a laureâsi iscrits al ultin an di cors regolâr intal a.a. 2019/2020 che a otegnin il titul di studi dentri des sessions dal stes an academic, dopo dai 05 di Otubar dal 2020;

– i students dai Istitûts Tecnicos Superiôrs (I.T.S.) di Triest, Udin e Pordenon iscrits regolarmentri al a. a. 2020/2021.

No puedin acedi ai beneficis metûts in concors i students iscrits a cors singui, a percors par acedi ai concors pal insegnament e a cors di perfezionament o a master.

• **Anzianitât universitarie (art. 3)**

I beneficis metûts a concors a vegnin concedûts pal **otigniment pe prime volte dal titul par ogni nivel di laurea**.

La anzianitât universitarie e ven calcolade tacant dal an di prime imatricolazion al sisteme universitari cence tignî cont di cualsisedi passaç di cors, fûr che i students cun percentuâl di invaliditât dal 66% insù, par lôr al è pussibil rinunziâ ai studis dome par trê voltis.

La anzianitât universitarie e ven anulade par une sole volte in câs di:

- rinunzie irevocabile ai studis fate tal prin an, cence il ricognossiment di esams,
- iscrizion a cors cun acès programât dopo di un passaç di cors o di un trasferiment di un altri ateneu fat ae fin dal prin an di cors.

Pal cont de anzianitât universitarie si sumin i agns di iscrizion ai masters se al è stât domandât il ricognossiment di credits.

I students a puedin acedi ai beneficis fin al prin an fûr cors (semestri seguitîf). L'impuart de borse di studi par chest semestri in plui al è dismiezât.

I students iscrits ai cors di specializazion, fûr che chei de aree mediche ativâts su la fonde de normative in vore in materie e ai cors di dottorât di ricercje, che no si zovin de borse di studi daûr dal DM dai 30 di Avrîl dal 1999, n. 224, a puedin acedi ai beneficis par un **periodi di timp pâr ae durade previodude dai rispetîfs ordenaments didatics**, tacant dal an academic di prime iscrizion. No son previodûts beneficis par agns academics in plui rispjet ae durade legâl dal cors.

I students iscrits ai I.T.S. a puedin acedi ai beneficis par un periodi di timp pâr ae durade previodude dai rispetîfs ordenaments didatics, tacant dal an di prime iscrizion. No son previodûts beneficis par agns in plui a rispjet durade legâl dal cors.

• **Requisîts pe amission ai beneficis (art. 4)**

1. **Requisît di iscrizion**

La iscrizion aes Universitâts, Conservatoris, I.T.S. e Academie e à di jessi fate **dentri dai tiermins** previodûts des singulis Istituzions.

Al è pussibil presentâ domande ancje se no si è ancjemò iscrits, fûr che di perfezionâ la imatricolazion intai tiermins.

LAUREANTS - Il recursât al è sodisfat cu la iscrizion regolâr al ultin an di cors intal a.a. 2019/2020 e cu l'otigniment dal titul dentri de session straordinaria dal stes an academic.

ALTRI SEMESTRI - Il recursât al è sodisfat cu la iscrizion al a. a. 2020/2021 al prin an fûr cors dentri dai 30 di Avrîl dal 2021.

No podaran otignî la borse di studi previodude pai laureants i students che:

- pûr laureantsi intune session dal a.a. 2019/2020, a otegnin il titul prin dai 05 di Otubar dal 2020;
- pûr laureantsi intune session dal a.a. 2019/2020, a continuin i studis pal an academic 2020/2021 intun Ateneu o intun Conservatori fûr de region Friûl-Vignesie Julie (fûr che i masters).

2. Recursât di merit

Il merit al è calculât su la base dai credits formatîfs universitaris (CFU) regjistâts in maniere regolâr, o equivalentis.

No vegnin cjamin in considerazion i credits:

- acuisîts **prime de iscrizion** al propri cors di laurea.
Intai câs di ricognossiment di credits (trasferiment di un altri Ateneu, passaç di cors di laurea o scurtadure de cariere), si ten cont dai agns di iscrizion universitarie intal calcul de anzianitât;
- che a derivin di ats di cariere sostignûts par mendâ **debits formatîfs** di carieris precedentis;
- che a derivin di ats di cariere relatîfs a **cors singui** che par chei nol sedi stât domandât il ricognossiment dai credits otignûts in chescj cors o, ancje se ricognossûts, che no sedin stâts declarâts pai fins dal otigniment dai recursâts di merit;
- che a derivin di ats di cariere relatîfs a **ativitâts didatichis sorennumerariis**;

- che a derivin di **modui di esams integrâts**, che no vegnin registrâts in maniere regolâr inte cariere sul sisteme Esse3 fin al completament dal exam integrât.

Students iscritti al prin an

I students beneficiaris di borse di studi tant che matriculis a àn di otignê il requisît di merit di:

- **20 CFU registrâts regolarmenti** sul sisteme Esse3, o intes basis di dâts dai Conservatoris e de Academie, **cun date di superament dai esams relatîfs no successive ai 10 di Avost dal 2021**

- (se iscritti a cors di lauree dome cun esams anuâi) **10 CFU registrâts regolarmenti sul sisteme Esse3 cun date di superament no successive ai 10 di Avost dal 2021.**

Students iscritti a agns dopo dal prin

I students iscritti a agns seguitîfs, par podê concori ae assegnazion dai beneficis, a scuegnin za vè il **requisît di merit** dentri dai **10 di Avost dal 2020:**

A.a. di prime imatricolazion	19/20	18/19	17/18	16/17	15/16	Semestri seguitîf
An di iscrizion tal a.a. 2020/21	2 ^t	3 ^c	4 ^t	5 ^t	6 ^t	
	Numar di credits complessîfs di vè a partî dal an di prime imatricolazion					
Lauree trienâl Trieni superiôr di I nivel (Conservatori)	25 CFU	80 CFU	-	-	-	135 CFU
Lauree magjistrâl * Bieni specialistic di II nivel (Conservatori) *	30* CFU	-	-	-	-	80* CFU
Lauree magjistrâl a cicli unic	25 CFU	80 CFU	135 CFU	190 CFU	245 CFU	+55** CFU

* I credits indicâts pe lauree magjistrâl e pal bien specialistic di II nivel si intindin acuisîts dai students dome intal percors magjistrâl o specialistic.

** Di sumâ al ultin an di cors.

Pai cors dai Conservatoris e de Academie invezit che CFU si à di lei CFA.

I students a àn di declarâ inte domande in linie, sot de lôr responsabilitât, il numar di credits che a risultin registrâts (sul sisteme Esse3 des Universitâts o intal *data base* dai Conservatoris), lassant fôr i credits no bogns par otignî lis carateristichis di merit.

I students dai agns seguitîfs, par rivâ al merit domandât, a puedin doprâ CFU BONUS, madurîts su la fonde dal an di cors za frequentât.

CFU BONUS:

- **fin a 5 credits**, se doprât pe prime volte pai beneficis dal secont an academic;
- **fin a 12 credits**, se doprât pe prime volte pai beneficis dal tierç an academic;
- **fin a 15 credits**, se doprât pe prime volte pai beneficis dai agns academics seguitîfs.

La **ativazion dal bonus** e ven fate inte domande in linie. Il bonus al pues jessi ativât dome une volte e nol pues fâ cumul. La cuote dal bonus no doprade intal an academic di ativazion e pues jessi doprade in chei seguitîfs.

Il student al à di declarâ la eventuâl fruizion di credits bonus in altris Universitâts tes carieris precedentis.

Tal câs che si domandin credits bonus intai agns academics precedentis al a.a. 2020/202, chescj no vegin contâts pai fins dal otigniment dal requisît minim di merit previodût di chest bant.

Students iscritti ai cors dai Istitûts Tecnicos Superiôrs (I.T.S.), ai cors di dottorât di ricercje e di specializion

I students iscritti a àn di vê i requisîts previodûts pe iscrizion regolâr al an academic in cors.

3. Requisîts di redit e di patrimoni

Chest requisît al è individuât su la fonde dal **Indicadôr de Situazion Economiche Ecuivalente (ISEE) pes prestazions agjevoladis pal dirit al studi universitari**, relatîf ai redits dal 2018 e ae situazion patrimoniâl dal 2018.

Intal specific:

– l'Indicadôr de Situazion Economiche Ecuivalente (ISEE) pes prestazions agjevoladis pal dirit al studi universitari nol à di passâ il limit di € **23.626,32**;

– l'Indicadôr de Situazion Patrimoniâl Ecuivalente (ISPE= ISP/scjale di ecuivalence) nol à di passâ il limit di € **51.361,58**;

Si àn di vê chestis dôs cundizions **intal stes timp**.

I students, par dimostrâ di vê il requisît di redit e di patrimoni, se:

a) comunitaris e no comunitaris, **residents in Italie, cuntun nucli familiâr resident in Italie che al vedi prodot redits e che al vedi patrimoni in Italie e/o tal forest**, a àn di lâ intun cualsisei CAF o intun ufici dal INPS par vê la atestazion ISEE pes prestazions agjevoladis pal drit al studi universitari;

b) comunitaris e no comunitaris, **residents in Italie, cuntun nucli familiâr resident in Italie che al vedi prodot redits e che al vedi patrimoni in Italie e/o tal forest**, a àn di lâ intun cualsisei CAF o intun ufici dal INPS par vê la atestazion ISEE pes prestazions agjevoladis pal drit al studi universitari che al certifichi redits e patrimoni in Italie. Dopo di chest, a àn di lâ tai CAF convenzionâts pe consegne dal ISEE universitari parificât (Schede dâts par Indicadôr parificât universitari);

c) comunitaris e no comunitaris, **no residents in Italie, cuntun nucli familiâr che al sta tal forest**, a àn di indreçâsi dome ai CAF convenzionâts pe consegne dal ISEE universitari parificât (Schede dâts par Indicadôr parificât universitari);

d) **ricognossûts tant che rifugjâts politics** in Italie, a àn di zontâ la certificazion furnide dal Ministeri dai Internis; **i students apolits** a àn di zontâ la copie autenticade de documentazion dade dal Tribunâl Civîl. Par chestis categoriis di students si ten cont dome dai redits percepîts in Italie e dal patrimoni che in câs a vedin in Italie;

e) **che a vegnin dai Paîs in vie di disvilup** daûr dal DM dai **6 di Mai dal 2020 n. 62** “Definizion de liste dai Paîs une vore puars, caraterizâts ancje de presince di un bas indicadôr di disvilup uman, pal a.a. **2020/2021**” (fûr che eventuâi inzornaments previodûts di gnûfs decretis ministeriâi) e elencâts inte zonte 2, a àn di presentâ la valutazion de cundizion economiche, fate su la base di une certificazion de Rapresentance dal Stât talian intal Paîs di divignince, che e atesti che il student nol è di une famee ricognossude di redit alt e di un nivel sociâl alt.

Pai students che si notin intal prin an, cheste certificazion e pues jessi furnide di bande di ents talians abilitâts ae prestazion di garanzie di cuvierdure economiche daûr des disposizions in materie di imatricolazion dai students forescj intes universitâts talianis; in chest câs l'ent di garanzie si impegne ae eventuâl restituzion de borse par cont dal student in câs di revoche.

I oraris e lis direzions dai CAF convenzionâts a son publicâts sul sît www.ARDISS.fvg.it. La consegne de documentazion e je gratuite.

I students a àn di vê, dentri dal tiermin pe compilazion de domande in linie par ogni benefici, **il numar di protocol de atestazion ISEE** o almancul il numar de declarazion sostitutive uniche (DSU).

I students specificâts aes letaris precedentis b), c) e e) a àn di **declarâ inte domande in linie** di vê otignût l'ISEE universitari parificât dentri dai tiermins pe compilazion de domande in linie par ogni benefici. I CAF convenzionâts a mandaran ae ARDiSS i relatîf fassicui in formât eletronic.

Pai fins di cheste procedure no pues jessi calcolade buine la atestazion ISEE:

- pes prestazions agjevoladis pal dirit al studi universitari no riferide al student che al fâs la domande;
- la atestazion cun ISEE ordenari, ancje se riferide al student che al fâs domande.

Se un student al à un **ISEE in cors di validitât**, invezit che di un ISEE pes prestazions agjevoladis pal dirit al studi universitari, al à di segnalâlu in maniere esclusive a cheste direzion: info.trieste@ARDISS.fvg.it e info.udine@ARDISS.fvg.it dentri dai tiermins previodûts pe presentazion de domande in linie par ogni benefici.

L' ISEE corint al à validitât di sîs mês, duncje la atestazion e varà di risultâ ancjemò valide ae date di presentazion de domande par ogni benefici.

Students independents de famee di origjin

I students a vegnin calcolâts independents de famee di origjin se a àn ducj i doi chescj recursis:

- **residence**, che e risulte de evidence anagrafiche, fûr de unitât abitative de famee di origjin, fissade di almancul doi agns rispjet ae date di prime presentazion de domande di iscrizion a ogni cors di studis, intun lozament no di proprietât di un component dal nucli familiâr di origjin;
- **presince di une capacitât di redit adeguate**, costituide di redits di lavôr dependent o assimilâts declarâts al fisc di almancul doi agns par no mancul di € 6.500,00 anuâi, cun riferiment a un nucli familiâr di une persone.

In chest câs i students a puedin presentâ un ISEE pes prestazions agjevoladis pal dirit al studi universitari considerant se stes tant che un nucli.

Students cun disabilitât

Intal bant a son previodudis cundizions agjevoladis pai students cun invaliditât dal 66% insù. Informazions e supuart a vegnin furnîts tai sportei di universitâts, conservatoris, Academie e I.T.S.:

• Modalitât di presentazion de domande in linie (art. 6)

I students che a àn i requisîts specificâts a àn di compilâ la domande in linie (acedint ai servizis in linie dal sît www.ARDISS.fvg.it) e inviâle **dentri des oris 13.00** (ore estive taliane/GMT+2/UTC+2/CEST) **de dî indicade intal calendari des scjadincis**. Il sisteme electronic al certifiche la date e la ore precise de spedizion de domande.

• CREDENZIÂLS PAR ACEDI AE DOMANDE IN LINIE

Par compilâ la domande in linie i students a àn di identificâsi metint lis credenziâls personâls (username e password) furnidis dal sisteme Esse3.

I students che no àn ancjemò lis credenziâls personâls, al moment de compilazion de domande in linie:

– **pe sede ARDiSS di Triest** (par students za imatricolâts, par students no ancjemò imatricolâts ae Universitât e par students dal Conservatori), a àn di registrâsi in linie intal sisteme Esse3.

Lis credenziâls a son ativis dentri di 24 oris de registrazion, se di no, i students a àn di contatâ la sede ARDiSS di Triest.

– **pe sede ARDiSS di Udin** (se no son ancjemò imatricolâts ae Universitât o se a son iscrits al Conservatori, ae Academie o al ITS) a àn di registrâsi in linie sul sît de ARDiSS o (se za imatricolâts a chest ateneu) doprâ lis credenziâls (matricule e password) furnidis de Universitât dal Friûl.

La domande in linie e je uniche: i students che a vuelin domandâ plui beneficis a àn di inviâ la domande dome une volte selezionant i beneficis che ur interessin. La domande in linie riferide a plui beneficis e à di jessi presentade dentri de scjadince dal prin tiermin previodût in relacion ai beneficis domandâts.

Par completâ la domande in linie i students, dopo jessi jentrâts inte aree personâl, a scuegnin:

1. inserî o modificâ i dâts anagrafics e cjariâ la copie di un document di identitât valit;
2. inserî o modificâ lis informazions relativis a iscrizion, merit e situazion economiche;
3. selezionâ i beneficis domandâts;
4. controlâ il sunt de domande che al conten i dâts inserîts che a restaran modificabii fin cuant che no si invie la domande in linie;
5. inviâ la domande in linie, cun conferme dai dâts inserîts. Dome dopo de spedizion i dâts

indicâts a diventin definitîfs.

Ducj i dâts inserîts dai students a son declarâts ai sens dal D.P.R. 445/2000, duncje i students a son responsabii de veretât e completece di ce che a àn declarât.

La ciertece e la coretece de spediçion de domande in linie si à dome al moment dal riceviment dal messaç di pueste eletroniche automatiche di conferme, che al ven gjenêrât in maniere automatiche dal sisteme.

No saran calculadis validis lis domandis presentadis:

- di là dai tiermins indicâts tal calendari des scjadincis;
- cun modalitâts diviersis di chês previodudis in chest bant.

Students no comunitaris - altre documentazion

I students no comunitaris a scuegnin ancje:

- vê za, o vê domandât la consegne o il rinovament, dal **permès di permanence**;
- zontâ ae domande in linie, drenti dai tiermins, la certificazion furnide dal Ministeri dai Internis se a son students ricognossûts tant che **rifugjâts politics** in Italie;
- zontâ ae domande in linie, drenti dai tiermins, la copie autenticade de documentazion dade dal Tribunâl Civîl se a son **students apolits**;
- zontâ ae domande in linie, drenti dai tiermins, la certificazion de Rapresentance dal Stât talian intal Paîs di divignince che e certifichi che no son di une famee ricognossude di redit alt e di nivel sociâl alt se a son **students citadins di Paîs in vie di disvilup** (v. liste de Zonte 2).

Students no ancjemò imatricolâts

I students no ancjemò imatricolâts a àn di presentâ la domande in linie, cun riserve di iscrizion, drenti des scjadincis previodudis dal bant. La iscrizion e scugnarà in ogni câs jessi completade drenti dai tiermins previodûts des singulis Istituzions (Universitâts, Conservatoris, I.T.S., ...).

Students laureants ae trienâl che si notin intal prin an di un cors di laurea magjistrâl

I students che si laurein a un cors di studis trienâl drenti de ultime session di laurea dal a.a. 2019/2020 e che si notin intal prin an de laurea magjistrâl pal a.a. 2020/2021, drenti dai tiermins fissâts de Universitât, **a son obleâts a compilâ la domande** pai beneficis tant che **matriculis**.

• Decjadence e esclusiun dai beneficis (art. 11)

Dopo dai controis di ufici, si à la decjadence dai beneficis cuant che i beneficiaris a risultin:

- in possès di un titul di studi di nivel pâr o superiôr, ancje se otignût tal forest;
- trasferîts a une altre sede universitarie o a rinunziin ai studis pal a.a. 2020/2021 prime dal 1ⁿ Lui dal 2021;
- di vê declarât il fals;
- di no jessi iscrits al an academic di riferiment dentri dai tiermins previodûts des Universitâts, dai Conservatoris, dai I.T.S. e de Academie o sedi dentri de date di presentazion des istancis di riesam;
- (pai cors di specializazion, gjavant chei de aree mediche ativâts su la base de normative in vore in materie) iscrits par un periodi superiôr ae durade previodude dai rispetîfs ordenaments didatics tacant dal an di prime iscrizion;
- (pai cors di dottorât di ricercje, che no gjoldin de borse di studi daûr dal DM dai 30 di Avrîl dal 1999, n. 224) iscrits par un periodi superiôr ae durade previodude dai rispetîfs ordenaments didatics tacant dal an di prime iscrizion;
- (pai cors dai I.T.S.) iscrits par un periodi superiôr ae durade previodude dai ordenaments didatics dal câs tacant dal an di prime iscrizion;
- di no vê sierade la pratiche in linie pe domande dai beneficis in dutis lis sôs modalitâts e proceduris, dentri des scjadincis previodudis.

Cun di plui, dome pal benefici de borse di studi, a decjadin dal benefici i students beneficiaris di altris borsis di studi di impuart superiôr a € 1.500,00.

• Status dai students: di sede, pendolâr e fûr sede (art. 15)

Il comun di residence dai students e la distance de sede dal cors di studis a concorin a determinâ il status dai students beneficiaris, pai fins de cuantificazion dal impuart des borsis di studi, par chestis modalitâts:

– Students comunitaris

Pai students comunitaris il status dai students di sede, pendolâr o fûr sede, pai fins di chest concurs, e je definide inte zonte 1. Par risultâ beneficiaris de borse di studi tant che fûr sede, i students a scuegnin in ogni câs rispietâ ce che al è previodût dal articul 15.3 culî sot.

– Students no comunitaris

I students no comunitaris a son calculâts tant che **fûr sede cence tignî cont de lôr residence in Italie**. A fasin ecezion i students cuntun nucli familiâr che al sedi in Italie, o i students forescj che a costituissin in Italie un nucli familiâr autonom e diviers rispiet di chel di origjin: in chescj câs si cjape in considerazion la residence in Italie. I students extracomunitaris, a ogni mût, par jessi ricognossûts tant che students fûr sede, a àn di lâ daûr a ce che al previôt l'articul 15.3 culî sot.

Status di fûr sede (art. 15.3)

A son definîts “fûr sede” i students che **a son lozâts dongje de sede universitarie** (o ben intai comuns calculâts in sede in relazion ae sede didattiche dal cors) doprant, a titul onerôs, lis struturis residenziâls de ARDiSS o altris lozaments di privâts o di ents, par no mancul di 10 mês (tra il 1 di Setembar dal 2020 e i 31 di Avost dal 2021 e, pes Cjasis dal Student, intal periodi massim di assegnazion).

Il limit di 10 mês al è ridot a:

- **6 mês** pai students laureants che a son a lozâ intes Cjasis dal Student de ARDiSS, dal ultin an di cors cu la cualifiche di regolâ, che a vuelin fâ l'esam gjenerâl di lauree dentri de ultime clamade previodude pal a.a. 2019/2020;
- **8 mês** pai students iscritti ai I.T.S.

I students che no àn podût compilâ la part de domande in linie che e tocje il contrat di fit, parcè che no àn dutis lis informazions che a son stadis domandadis, a son tignûts a compilâ la declarazion in linie **dentri des oris 13.00 dai 19 di Otubar dal 2020**.

La declarazion in linie sul lozament e à par ogjet: l'ûs dal lozament a titul onerôs, il recapit, il fit mensîl, la durade dal contrat, la scjadince e i dâts di registrazion te Agenzie des Jentradis dentri dai 19 di Otubar dal 2020); la declarazion e pues jessi fate intune di chestis modalitâts:

- inte sezion dedicate de domande in linie tal moment de sô compilazion;

• inte sezion dedicate dai servizis in linie, sul sît www.ARDISS.fvg.it, dentri dai **19 di Otubar dal 2020**.

No àn di presentâ la declarazion relative al lozament a titul onerôs i students assegnataris che a varan cjapât regolarmentri possès dal lozament intes struturis metudis a disposizion de ARDiSS pal a.a. 2020/2021.

I students residents in ducj i comuns calculâts fûr sede, o no comunitaris, che dentri des oris 13.00 dai 19 di Otubar dal 2020 no varan presentât la declarazion in linie relative al lozament, o ben che a varan presentât une declarazion incomplete, **a podaran gjoldi de borse di studi previodude pai students "pendolârs"**.

Carateristichis dal contrat

Il contrat al à di jessi:

- un contrat di fit sotscrit regolarmentri e registrât dentri dai 19 di Otubar dal 2020;
- intestât al student o cun plui intestataris comprendût il student o a un component dal so nucli familiâr;
- riferît a un imobil no di proprietât di un component dal nucli familiâr dal student che al fâs domande la borse di studi;
- cun fit mensîl, al net des spesis pes utencis (par esempi aghe, energjie eletriche, gas, telefon...), no plui bas di € 120,00.

I students domiciliâts tai convits e tai coleçs universitaris publics o privâts, a varan di compilâ la declarazion in linie intai tiermins e jessi in possès di une certificazion fiscâl valide relative al paiament dal fit pal lozament doprât inte citât sede dal cors universitari.

Students partecipants a programs di mobilitât internazionâl (art. 15.3.3)

I students che a partecipin a un program di mobilitât internazionâl intal a.a. 2020/2021 a saran calculâts students fûr sede a cundizion che a dimostrin di vê doprât in complès par 10 mêis un lozament a titul onerôs in struturis publichis o privadis dongje de sede universitarie foreste e/o dongje de sede universitarie dal cors frequentât in Italie.

Chescj students a varan di segnalâ la partecipazion al program di mobilitât inte sezion specifiche de domande in linie e a varan di presentâ un contrat (o un altri document che al ateste il paiament di un fit), li chel al risulti che a son lozâts a titul onerôs dongje de sede universitarie foreste. Chest document al varà di jessi intestât al student (o cun plui intestataris cjapât dentri il student) e al varà di vê une durade avuâl a dute la durade de mobilitât.

Tal câs che la mobilitât e duri mancul di 10 mêis, il student, par otignî il ricognossiment dal status di fûr

sede, al varà di fâ rivâ anje la copie dal contrat di fit stipulât pal lozament a titul onerôs dongje de sede universitarie in Italie, che al varà di jessi registrât in maniere regolâr.

Par chel che al inten il contrat stipulât in Italie, si apliche ce che al previôt l'articul 15.3.

Pe assegnazion de borse di studi, dome i students che a partecipin a un program di mobilitât internazionâl par un **periodi di 10 mês**, doprant pe stesse durade un lozament a titul onerôs dongje de sede universitarie di destinazion, a saran calculâts tant che students fûr sede, cence tignî cont de residence in Italie.

• **Risiervis di assegnazion (art. 19)**

Il numar des borsis di studi che a saran dadis fûr si fissarà su la fonde des jentradis che a vegnin de tasse regionâl pal dirit al studi universitari, daûr dal art. 37 de LR dai 14 di Novembar dal 2014, n. 21, des jentradis che a vegnin dal Fonds di Intervent Integratîf dal art. 18, Cjapitul IV dal decret legjislatîf dai 29 di Març dal 2012 n. 68, dal Fonds di Intervent Integratîf Regionâl e de disponibilitât di fonds propriis dal bilanç de ARDiSS.

Lis risorsis disponibilis pes borsis di studi si assegnaran lant daûr di chestis risiervis di assegnazion:

- 2% ai students cun disabilitât cun percentuâl di invaliditât dal 66% insù;
- 6% des borsis di studi disponibilis pai students no comunitaris.

Dopo des risiervis segnadis chi parsore, si completarà la assegnazion a ducj i students comunitaris e no comunitaris jentrâts intes graduatoriis dai agns dopo dal prin.

Po dopo si larà indenant fin da pît de graduatorie dai students comunitaris iscritti al prin an, e si larà indenant cu la graduatorie dai students no comunitaris iscritti al prin an di cors.

Tal câs che lis risorsis finanziariis no sedin avonde par cuvierzi in maniere complete lis graduatoriis, lis risorsis si assegnaran in proporzion al numar dai students idonis che a fasin riferiment a ogni sede operative de ARDiSS.

Sodisfats ducj i students cu lis carateristichis di iscrizion, redit e merit, la borse di studi e vignarà assegnade ai students iscritti ai agns dopo dal prin che a vedin presentât, midiant de domande in linie specifiche, la declarazion sostitutive di at notori, furnide, se dal câs, de documentazion che e certifichi la impossibilitât obietive, par consequence de emergjence Covid-19, di sostignî esams specifics, cu la indicazion dal numar relatîf di credits, che e podarà jessi acetade de ARDiSS o ben cu la documentazion specifiche dade fûr des Universitâts o dai Conservatoris.

Tal câs che a sedin altris fonds disponibilii, la ARDiSS e darà fûr une borse di studi, di cumò indenant definide "borse COVID", che e rivarà a no mancul dal 80% de borse di studi previodude di chest bant. La borse COVID e podarà jessi assegnade ai students iscritti ai agns dopo dal prin tes Universitâts e tai

Conservatoris de Regjon che, ancje se a àn doprât i credits bonus standard, a sedin risultâts no idoneis inte graduatorie relative par vie che no àn otignût la carateristiche minime di merit dai articui 4.2.2 e 5.2.

A chescj students, la ARDiSS e assegnerà di ufici il “bonus Covid”, che al corrispuint al plui a 5 credits formatîfs universitaris pe Universitât, e al plui a 10 credits formatîfs pai students dal Conservatori, e e formularà duncje la graduatorie di pueste.

• **Lozaments a concors cun requisîts di iscrizion, merit, redit e patrimoni (art. 26) – Sede di Triest**

A son metûts a concors al plui **584 puescj dulà lozâ**.

Il numar dai puescj a concors, calculât tignint cont dai protocoli di sigurece in vore pe emergjence Covid-19, al pues variâ. Par garantî la sigurece dai students, la ARDiSS si riserve la pussibilitât di fâ trasferiments di ufici dentri de stesse residence o di une altre.

Requisît specific (art. 28)

In plui di vê i requisîts di iscrizion, merit, redit e patrimoni fissâts intes normis gjenerâls, i students che a vuelin domandâ di lozâ tes Cjasis dal Student de ARDiSS **a àn di jessi a stâ intun dai comuns calculâts tant che fûr sede in relacion ae sede dal propri cors di studis**, daûr di ce che al è fissât intal articul 15 di chest bant e inte zonte 1.

I students cun disabilitât cun percentuâl di invaliditât dal 66% insù a puedin dut câs fâ domande di un lozament, ma no àn di jessi residents intal comun sede dal cors di studis.

GRADUATORIE - Students iscrits al prin an (art. 31.2)

La graduatorie provisorie dai lozaments pai students iscrits al prin an di ducj i cors e sarà publicade sul sît www.ARDISS.fvg.it **in maniere indicative dentri dai 18 di Setembar dal 2020**.

A vignaran prontadis, par ogni sede universitarie e in ordin decressint di ponts, chestis graduatoriis:

- pai students comunitaris iscrits pe prime volte al prin an di cors;
- pai students no comunitaris iscrits pe prime volte al prin an di cors;
- pai students cun disabilitât iscrits pe prime volte al prin an di cors.

Il student al è assegnatari dal puest pal a.a. 2020/2021 **de date di amission fissade in chest bant fin ai 31 di Lui dal 2021** (al varà di lassâlu dentri des oris 9.00 dal prin di Avost dal 2021), cu la escluson des fiestis di Nadâl.

GRADUATORIE - Students iscritti ai agns dopo dal prin (art. 31.1)

La graduatorie provisorie dai lozaments pai students iscritti ai agns seguitîfs e sarà publicade sul sît www.ARDISS.fvg.it **in maniere indicative dentri dai 24 di Avost dal 2020**.

A vignaran prontadis par ogni sede universitaria, in ordin decressint di ponts, chestis graduatoriis:

- pai students iscritti ai agns dopo di duçj i pôi didatics competents, includûts i students iscritti al Conservatori;

- pai students iscritti ai cors di specializazion, fûr che chei de aree mediche, su la fonde dal decret legjislatîf n. 368/1999;

- pai students iscritti ai cors di dottorât che no beneficiin de borse di studi previodude dal DM dai 30 di Avrîl dal 1999, n. 224;

- pai students iscritti ai Istitûts Tecnicos Superiôrs (I.T.S.);

- pai students cun disabilitât.

Daspò sodisfats duçj i students cui requisîts di iscrizion, reit e merit, il lozament al sarà assegnât ai students iscritti ai agns dopo dal prin, che a vedin presentât lis declarazions domandadis e dadis fûr des Universitâts e dai Conservatoris de Regjon, che a atestin la impossibilitât di otignî i credits par vie de emergjence sanitarie, o che a vedin presentade la declarazion sostitutive di at notori che e ateste la impossibilitât di rivâ ai credits previodûts dentri dai 10 di Avost dal 2020. Chestis declarazions a podaran jessi furnidis di documentazion idonee a motivâ ce che al è stât declarât.

Students iscritti ai agns dopo dal prin “Bonus Covid”

Tal câs che a sedin altris disponibilitâts di puescj dulà lozâ, dopo des assegnazions ai students iscritti ai agns dopo dal prin e aes matriculis, la ARDiSS e assegnerà i puescj ai students iscritti ai agns dopo dal

prin tes Universitâts e tai Conservatoris de Regjon che, cundut dal ûs dai credits bonus standard, a risultin no idoneis intes graduatoris par vie che no àn otignût il requisît minim di merit dai articui 4.2.2 e 5.2.

Pe assegnazion di altris puecj, il requisît di merit demandât ai 10 di Avost dal 2020 al è ridusût al plui di 5 credits formatîfs universitaris pe Universitât e di 10 credits formatîfs pai students dal Conservatori. La graduatorie e vignarà formulade tignint cont, di là de carateristiche di reit, dal merit universitari cun riferiment ai esams sostignûts e registrâts in cariere sul sisteme Esse3 o tes segretariis dai Conservatoris dentri dai 10 di Avost dal 2020.

AMMISSION AL LOZAMENT

I students beneficiaris inte graduatorie definitive dal lozament a varan di presentâsi tes Cjasis dal Student assegnadis intes zornadis indicadis pe amission al puest.

I orari di amission e lis variazioms eventuais di datis, leadis a esigjencis organizativis, a saran publicâts sul sît www.ARDISS.fvg.it.

I students **beneficiaris in graduatorie** a àn di presentâsi inte zornade di convocazion cun cheste documentazion:

- la fotocopie di un **document di ricognossiment** valid che si puedi lei ben (acompanade dal document in originâl);

il student no comunitari al varà di presentâsi cul passepart;

- **une foto tessare;**

- **la atestazion di vê paiât il dipuesit di cauzion**, fôr che par cui che al vedi paiade za la cauzion intai agns academics precedents e no i sedi stade rimborsade;

- documentazion idoneie che e ateste che al è finît il periodi di isolament fiduciari, tal câs che e sedi demandade stant aes disposizioms in vore.

Al moment de amission, ogni student beneficiari al firme l'at di acetazion dal lozament.

I students che, a cualsiedi titul, no puedin cjapâ possès dal puest daûr dal calendari segnât parsore, a varan di inviâ il modul di **amission posticipade** disponibil sul sît de ARDiSS, cun zontade la copie dal **paiament de cauzion**, ae direzion alloggi.trieste@ARDISS.fvg.it dentri di doi dîs di vore antecedents a chel di amission previodût dal calendari.

I students assegnataris di un lozament pal a.a. 2020/2021, tal câs di assegnazion cul modul di **amission posticipade**, a àn di presentâsi, fôr che tai câs di fuarce maiôr, li de portinarie de Cjase dal Student di

assegnazion dentri di un mê s de date di amission fissade par sotscrivi l'at di acetazion dal lozament cu la documentazion relative.

I students che **no si presentaran** par cjapâ possès dal lozament intai dîs e intai oraris fissâts e che **no presentaran il modul di amission posticipade** cu la copie dal paiament de cauzion, fûr che tal câs di chei che a vedin za paiade la cauzion intai agns academics precedents e no ur sedi stade rimborsade, dentri di doi dîs di vore precedents a chel di amission a saran declarâts decjadûts dal benefici dal lozament.

• **Lozaments a concors cun requisîts di iscrizion, merit, redit e patrimoni (art. 37) – Sede di Udin**

Ai students che a fasin domande ur saran assegnâts al massim **549 puecj dulà lozâ**.

Il numar dai puecj a concors, che al è stât calculât tignint cont dai protocoli di sigurece pe emergjence Covid-19, al podarès ancje variâ. Par garantî la sigurece dai students, la ARDiSS si riserve la pussibilitât di fâ trasferiments di ufici dentri de stesse residence o intune altre residence.

Requisît specific (art. 38)

In plui di vê i requisîts di iscrizion, merit, redit e patrimoni fissâts intes normis gjenerâls, i students che a vuelin domandâ di lozâ tes Cjasis dal Student de ARDiSS **a àn di jessi a stâ intun dai comuns calculâts tant che fûr sede in relacion ae sede dal propri cors di studis**, daûr di ce che al è fissât intal articul 15 di chest bant e inte zonte 1.

GRADUATORIE - Students iscrits al prin an (art. 41.2)

La graduatorie provisorie dai lozaments pai students iscrits al prin an di ducj i cors e vignarà publicade sul sît www.ARDISS.fvg.it in maniere indicative dentri dai **18 di Setembar dal 2020**.

A vignaran prontadis par ogni sede universitaria, in ordin decressint di ponts, chestis graduatoriis:

- pai students comunitaris iscrits pe prime volte al prin an di cors;
- pai students no comunitaris iscrits pe prime volte al prin an di cors;
- pai students cun disabilitât iscrits pe prime volte al prin an di cors.

GRADUATORIIS - Students iscritti ai agns dopo dal prin (art. 41.1)

La graduatorie provisorie dai puescj dulà lozâ pai students iscritti ai agns di cors dopo dal prin e sarâ publicade sul sît www.ARDISS.fvg.it in maniere indicative dentri dai **24 di Avost dal 2020**.

A saran prontadis par ogni sede universitaria, in ordin decressint di ponts, chestis graduatoriis:

- pai students iscritti ai agns dopo dal prin di ducj i pôi didatics competents, includûts i students iscritti al Conservatori e ae Academie di Bielis Arts;
- pai students iscritti ai cors di specializazion, fûr che chei de aree mediche su la fonde dal decret legislatîf n. 368/1999;
- pai students iscritti ai cors di dottorât di ricercje, che no beneficiin de borse di studi su la fonde dal DM ai 30 di Avrîl dal 1999, n. 224;
- pai students iscritti ai Istitûts Tecnicos Superiôrs (I.T.S.);
- pai students cun disabilitât.

I students che a presentin domande tant che students iscritti ai agns seguitîfs pal semestri adizionâl, tal câs che a otegnin il titul dentri de session straordinaria dal a.a. 2019/2020 e che po dopo si notin al prin an de laurea magjistrâl pal a.a. 2020/2021 dentri dai tiermins fissâts de Universitât o dal Conservatori, a otignaran in ogni câs il lozament dome fin che a otignaran il titul trienâl.

Une volte sodisfats ducj i students cui requisîts di iscrizion, reit e merit, il lozament al sarâ assegnât ai students iscritti ai agns dopo dal prin che a vedin presentât lis declarazions domandadis e dadis fûr des Universitâts e dai Conservatoris de Region, che a atestin la impossibilitât di otignî i credits a front de emergjence sanitarie, o che a vedin presentade la declarazion sostitutive di at notori che e ateste la impossibilitât di rivâ ai credits previodûts dentri dai 10 di Avost dal 2020. Chestis declarazions a podaran jessi furnidis di une documentazion idonee a poie di ce che al è stât declarât.

Students iscritti ai agns dopo dal prin - “Bonus Covid” (art. 41.3)

In câs che a sedin altris disponibilitâts di puescj dulà lozâ, dopo des assegnazions ai students iscritti ai agns dopo dal prin e aes matriculis, la ARDiSS e assegnerà i puescj ai students iscritti ai agns dopo dal prin tes Universitâts e tai Conservatoris de Region che, cundut che vedin doprât i credits bonus standard, no sedin risultâts idoneis intes graduatoriis relativis parcè che no àn otignût la carateristiche minime di merit.

Pe assegnazion di chescj altris puescj, il requisît di merit domandât ai 10 di Avost dal 2020 al ven ridusût inte misure massime di 5 credits formatîfs universitaris pe Universitât e di 10 credits formatîfs pai students dal Conservatori. La graduatorie e vignarà formulade tignint cont, di là dal requisît di reit, dal

merit universitari cun riferiment ai esams sostignûts e regjistrâts in cariere sul sisteme Esse3 o tes segretariis dai Conservatoris dentri dai 10 di Avost dal 2020.

AMMISSION AL LOZAMENT

I students beneficiaris dal lozament inte graduatorie definitive a varan di presentâsi tes Cjasis dal Student di assegnazion intes zornadis indicadis pe amission al puest.

I oraris di amission e lis variazioms eventuâls des datis, causadis di esigjencis organizativis, a saran publicâts sul sît www.ARDISS.fvg.it.

La dì de amission al lozament, i students **beneficiaris in graduatorie** a àn di presentâsi cun cheste documentazion:

- la fotocopie di un **document valid di ricognossiment** che si puedi lei ben (acompanade dal document in origjinâl). Il student no comunitari al varà di presentâsi cul **passepuart**;
- **une foto tessare**;
- **la atestazion dal paiament dal dipuesit de cauzion** a pro de ARDiSS, fûr che par cui che al vedi za paiade la cauzion intai agns academics precedents e che no i sedi stade rimborsade;
- documentazion idonee che e certifichi che al è finît il periodi di isolament fiduciari, tal câs che e sedi domande stant aes disposizioms in vore.

Tal moment de amission, il student al firme l'at di acetazion dal lozament, furnît de ARDiSS.

Ducj i students che, a cualsisedi titul, no puedin cjapâ possès dal puest daûr dal calendari segnât parsore, a varan di inviâ il modul di **amission posticipade** disponibil sul sît de ARDiSS, cun zontade la copie dal **paiament de cauzion**, ae direzion alloggi.udine@ARDISS.fvg.it dentri di doi dîs di vore antecedents di chel di amission previodût dal calendari.

In chest câs, il student al varà di concuardâ cui uficis de ARDiSS la zornade pe **amission posticipade** al lozament daûr des esigjencis dai uficis.

I students assegnataris di un lozament pal a.a. 2020/2021, in câs di assegnazion cun modul di **amission posticipade**, a àn di sotscrivi, fûr che tai câs di fuarce maiôr, l'at di acetazion dal lozament **dentri di un mês** de date di amission fissade.

I students che **no si presentaran** par cjapâ possès dal puest intai dîs e intai oraris fissâts e che **no presentaran il modul di amission posticipade** cu la copie dal paiament de cauzion, fûr che cui che al vedi paiade za la cauzion intai agns academics precedents e no i sedi stade rimborsade, dentri di doi dîs di vore precedents a chel di amission a saran **declarâts decjadûts** dal dirit al lozament.

- **Puescj dulà lozâ a concors cul sôl requisît de iscrizion (art. 36)**
– **Sede di Triest**

Tal câs che a sedin disponibii puescj dulà lozâ dopo des assegnazions ai beneficiaris cu lis carateristicis di iscrizion, di merit e di rediv/patrimoni, chescj lozaments a vignaran metûts a disposizion dai students che a vedin dome la carateristiche di iscrizion.

La date eventuâl di ativazion de domande in linie e lis modalitâts di presentazion de stesse domande a vignaran indicadis sul sît www.ARDISS.fvg.it.

A saran prontadis dôs graduatoriis, une pai agns dopo dal prin e une pes matriculis, daûr dai criteris specificâts culi sot.

I puescj a saran assegnâts prin di dut ai students disabii cun percentuâl di invaliditât dal 66% insù, dant la precedenza a chei inte graduatorie dai agns dopo dal prin.

Se a vanzaran puescj, a saran assegnâts prin di dut lant indenant cu la graduatorie dai agns dopo dal prin.

GRADUATORIE - Students iscrits al prin an, ai cors di dottorât di ricercje e di specializazion e ai I.T.S.

La graduatorie e tignarà cont de votazion finâl dai students a conclusion dal cicli di studis precedent a chel là che si son notâts, rapuartantlu a une scjale di 1 a 100. Il numar dai beneficiaris al sarà fissât assegnant, par ognidune des dôs graduatoriis, la stesse in proporzion ai puescj dulà lozâ, fin che a sedin a disposizion puescj disponibii.

GRADUATORIE - Students iscrits a agns dopo dal prin

La graduatorie e tignarà cont dome dal merit universitari e e vignarà formulade cjapant in considerazion i esams sostignûts e registrâts in cariere sul sisteme Esse3 dentri dai 10 di Avost dal 2020.

- **Puescj dulà lozâ a concors cun dome il requisît de iscrizion**
(art. 46) – Sede di Udin

Pes Cjasis dal Student di Glemone, Pordenon e Gurize, tal câs che dopo de assegnazion dai puescj ai beneficiaris e de ativazion des risiervis previodudis pai students in mobilitât internazionâl *incoming* a vessin di jessi ancjemò disponibii puescj dulà lozâ, chescj lozaments a saran metûts a disposizion dai students che a vedin dome il requisît de iscrizion.

La domande in linie e varà di jessi compilade dentri des oris 13.00 (ore estive taliane/GMT+2/UTC+2/CEST) dai 14 di Setembar dal 2020.

Lis amissions dai assegnataris dal lozament si fasaran, **des 10.00 aes 13.00**, intes zornadis che a vignaran publicadis par timp sul sît e, dut câs, in maniere indicative tacant dai 2 di Novembar dal 2020. La compilazion di cheste domande e esprimerà dome une manifestazion di interès, che e varà di jessi completade cu la spedition dal modul di pueste su cjarte bolade, che al vignarà metût a disposizion sul sît cun avîs di pueste.

• **Contribût pe mobilitât internazionâl (art. 53)**

La domande in linie pal contribût di mobilitât internazionâl e à di jessi presentade, acedint ai servizis in linie de ARDiSS, dal 1ⁿ di Març ai 6 di Avrîl dal 2021 dentri des oris 13.00 (ore estive taliane/GMT+2/UTC+2/CEST), daûr di ce che al è fissât intal calendari.

REQUISÎTS

– **partecipâ intal a.a. 2020/2021 a periodis di studi o di tirocini tal forest** promovûts de Universitât dai Studis di Triest, de Universitât dal Friûl, dal Conservatori di Musiche “G. Tartini” di Triest, dal Conservatori di Musiche “J. Tomadini” di Udin o de Academie di Bielis Arts “G. B. Tiepolo” di Udin pe partecipazion a programs di mobilitât internazionâl, sedi dentri di programs promovûts de Union Europeane, che di programs ancje no comunitaris (convenziions bilaterâls);

– **jessi risultâts idonis o beneficiaris de borse di studi** di chest bant intal a.a. 2020/2021;

– otignî, pal periodi di studi o di tirocini in ogjet, il **ricognossiment academic** in tiermins di credits intal ambit dal propri cors di studis in Italie.

L'impuart dal contribût pe mobilitât internazionâl, di intindi tant che integrazion ae borse di studi, al è di **€ 160,00 mensî par un periodi massim di 10 mê.**

Il numar di assegnaziions al sarà determinât in funzion des disponibilîtâts di belanç.

Par ogni sede operative de ARDiSS e vignarà garantide la assegnazion di **20 contribûts.**

I students a àn di declarâ inte domande in linie di jessi assegnataris de borse di studi di mobilitât internazionâl o di tirocini tal forest pal a.a. 2020/2021 e il periodi di permanence tal forest determinât al at de assegnazion de bande de Universitât, dal Conservatori o de Academie.

SERVIZI MENSE UNIVERSITARI

• Tarifis

Il servizi de mense universitarie - che al garantìs a ogni student il dirit a un gustâ e a une cene - al ven furnît su la fonde dal Indicadôr de Situazion Economiche Ecuivalente **(ISEE) pes prestazions agjevoladis pal dirit al studi universitari**, in merit ai redits dal 2018 e ae situazion patrimoniâl dal 2018.

Lis tarifis riferidis al past intâr a son:

Fasse	Indicadôr	Presit
1	ISEE di no plui di € 23.626,32 e ISPE no sore di € 51.361,58	€ 2,15
2	ISEE tra € 23.626,33 e € 30.000,00 e ISPE tra € 51.361,58 e € 60.000,00	€ 3,70
3	ISEE di plui di € 30.000,00 e ISPE no sore di € 60.000,00	€ 4,80

La ARDiSS e assegne di ufici ai students la tarife de tierce fasce (€ 4,80).

• Domande in linie di riduzion de tarife

I students iscrits aes Universitâts, Conservatoris, ITS, Academie e SISSA a puedin presentâ domande in linie dentri dai **30 di Jugn dal 2021** par domandâ la riduzion de tarife aplicade di ufici selezionant "servizi mense a tarife limitade".

Inte domande in linie si àn di meti i dâts in merit ae atestazion ISEE pes prestazions agjevoladis pal dirit al studi universitari, in cors di validitât, riferît al student.

La tarife agjevolade domande pal a.a. 2020/2021 e vignarà ativade **dal prin di Zenâr dal 2021** e e sarà valide **fin ai 31 di Dicembar dal 2021**. A fasin ecezion i **students iscrits al prin an**, che par lôr la tarife agjevolade e sarà ativade dentri di 35 dîs de date de domande.

I students iscrits aes Universitâts, ai Conservatoris, ai ITS, ae Academie e ae SISSA a puedin acuisî in maniere direte i dâts ISEE de bancje dâts di chestis istituzions, se a son presints, in compatibilitât cu lis tempistichis di inzornament dai programs informatics.

I students idonis ae borse di studi a acedin al servizi mense ae tarife di **€ 2,15**.

Pai students che a partecipin a programs di mobilitât internazionâl *incoming* e par chei che a vegnin dal forest e che a partecipin a cors intensîfs di lenghe taliane, e je aplicade une tarife di **€ 5,00**.

• **Tratament dai dâts personâi su la fonde dal Regolament UE 2016/679 (art. 12)**

Il Titulâr dal tratament dai dâts personâi e je la Agenzie regjonâl pal dirit ai studis superiôrs - ARDISS, inte persone dal Diretôr gjenerâl (tel. +39 040 3595326/ 328 pueste eletroniche: direzione@ARDISS.fvg.it PEC: ARDISS@certregione.fvg.it).

Il Responsabil dal tratament, fat midiant di mieçs eletronicis o dut cês automatizâts, e de conservazion dai dâts al è In4matic S.r.l., cun sede in vie Garibaldi 100 a Chignolo Po (PV).

Il Responsabil de protezion dai dâts (RPD al è il dot. Mauro Vigni, - Place de Unitât di Italie n. 1 – Triest - tel. +39 040 3773707 - pueste eletroniche: mauro.vigni@regione.fvg.it - PEC: ARDISS@certregione.fvg.it)

L'interessât al à dirit di acedi ai siei dâts, di retificâju o di cancelâju, di oponisi al lôr tratament o di domandâ la limitazion e la portabilitât.

L'interessât al à il dirit di proponi reclam al Garant pe protezion dai dâts personâi.

In cualsisedi moment, l'interessât al pues esercitâ i propriis dirits inviant al Titulâr dal tratament:

– une email a direzione@ARDISS.fvg.it

– une pec a ARDISS@certregione.fvg.it